



ГАЗЕТА 1931 ПО' АПРЕЛЬ ИРЫГ ЮКАД ВАТА ХАСАВАЮДИМДЕЙ ЯЛХАД НАДИБЕРҢА

СИ" ИВ ЯЛХАНА НОПОЙ" СЕРТАБИВА"

Мэбета вадава" ила' панан' етри' мэква"!

НЯРЪЯНА

НЭРМ



№ 15 (5185)
2024 по'
апрель иры'
13 яля

СУББОТА

Российская Федерация Ямало-Ненецкий автономный округ



Таттама: Л. Айвасело таттамы

Хайму"
нятапи"

6

Царка савохона нядангурҥа"

Ямал тер" маянд' еремынидо' нядаванзъ хэвы". Ядембада ё" няңы Россия' тер" нара' това' сер' хусувэй по' цопойри вэва серто' таясеты. Саво" ид" цули" я"авласеты". Теда' ҥани' тарця. Ңадъбьята округна" җэвахана мэна Дмитрий Артюхов' табековна МЧСхана манзарана" таяна нядангурҥа".

Оренбургской областъхана цокханда 3,9 ёнар" иле мяд" савон' еремы". Орск нубета харад җарханда икана җа. Таяна Урал яха' табла"мам' саво ид наволмада. Мат" ёнар" ненэця" мядодо' хаевы". Е"эмнандо' сеҥга мятамдо' хамедавы", теда' таяна 1,2 ёнар" ненэця" иле".

Пирекана МЧС манзарана" ненэцие нядаба пявы". Палытана", лекар", мал' нядангурҥа". Ханяңы" хардакои" сидерато' сихирт" ни" җадио". Ңамгэртахад нивы тосавы харад' тер" лакри'

Сидянт: Округна" гражданской защита няби пожарной безопасность департаментхад ханавы



мяцлмы". Хоровидо', юнидо', вэнодо', тамна җани мякана вадабада сармикэцидо' тэри ервси" хаи".

Область' җэвахана мэна" вадавна, хибяхарт нядмасипой ни хаёд".

Илаңгана тарана җаворидамдо' тэмдавандо' няю' есядамдо' мипаңгу". Цули" мяцяда" мятамдо' ня"маңгу".

Ямалхад нядангода" мале җэдалэйдаць. Нянандо' ханавыдо':

посабтамбада җано", ямб хуты", спасательной жилет", икана мэта" ембдяр", пардон". Ханяңыдо' Курганской область' няна манзараңгу". Таяна җани' тосакабты.

Цэрм' тер" тасалковы"

Цэрм' ё" тер" Москва маркана җарка тасалковам' мэ"мы". Сиддо' цобт' Цэрм' тер" җарка Ассоциация ма"лавы. Ңэваханандо' Григорий Васильевич Ледков мэвы.

Нерняңы илма" ваде"мы". Ненадовна невхы иринана" ила' сехэрым' нёдана ненэцие" е"эмня җадимдембада няд"ми" нямна җэда программам' тасламбавы". Тикы программа' сер' минреванда манзай ваде"мы". Тодо яхат товы җэрм' тер" харто' иле яханато' ханзер"

манзаравамдо' едэй мутры няд"мяць җадимдевы".

Ңока вадито' поңгана тарця и' цу" таяны":

- ты пэрмахана, халям' хадабавахана, тамна җани манзай" тэнзха"на манзараванда ненэцие тохоламба тара",

- невхы илна" саирм' лэтравана" е"эмня иринана" ила' саирм' нёдабада ненэцие нядаба серо"җа",

- тарабнанда еся няд"ми мэць иле ямдо' савумдамбаңгу".

Тарем' яна" тер" манзаясипой" ни" җамдёд", маңгбавам'

ехэраңгу", мэ"манда есядамдо' харто' хомбаңгу". Нерняңы иландо' няю' нись тоса сырта".

«Арктический гектар» нубета программа' нямна җани лаханавы". Ханзер" Россия' тиңгэвна тарця няд"мам' мэць яна" тер" иламдо' савумдамби".

Тасалковаханандо' мэ"мы вадидо' тамна' тяха' җэдабтаңгудо'. Дальний Восток', Арктика' серо нерня' тидхалембада Министерство' ёльцянд' тэваңгу". Сертавандадо' тамна җока.

Тиртя җанохо"на җэдалёрта"

Тандая' Тарко-Салыхад иле хардато' ёльцянд' ненэця" сырэй сехэрэвна җэдалёрцеты". Ханяңэхэна лекар" тиртя җанохо"на хэсеты". Тикы' хавна хусувэй харванам' тая' ни" җэдараңгу". Теда' Пуровской район' няд сава юн то.

Ямал' нермбэртя' табековна Самбург', Халысавэй, Толька' ёльцянд' тиртя җано" җэдалёрць пэяд". Ненэцие авиакомпания «Ямал» Ми-8Т тиртя җанохо"на ядэлаңгуда. «Тиртя җано" җамдолава савумдэйнаць. Хусувэй җамгэм' таславаць. Ненэця" нись тоса мякандо' тэворта". Тецьда нумгана тиртя җаном' җате ни" ханьторт". Яңга җатеналава' хардакодо' тая"», - Адриан Лешенко, районханандо' тиртя җано" серо тидхалембада ерв лаяна.

Сехэрэндо' мир" саць җока ни җэңгу". Ңарка ненэця' билетамда мат" ёнар"мана тэмдаңгуда. Ңацекэнда е"эмня няхар" ёнарм' салдаңгу. Нюдя җацекы" сидя пондо' ёльцянд' мирци" җэдалёрта". Тадри' билетодо' интернет' мутравна мирдапаңгудо', теда' Тарко-Салыхана, иле хардаханато' аэропорт' кассахана тэмдабидо'.

Едэй школадо' манэ"сармы

Ямал' тиңгэвна илма" савумдана. Невхы", тибейцэ хэвы" харад" тянёмдана". Едэй", сян яңорэй җэда" пэ" харад е"эмнандо' җадиберҥа". Тарця юн" ихина цули" сава".

Тандая' округна" нермбэртя җани' юнм' җэдарась. Лабытнанги', Харп' ня' җэдалёрмы. Таяна мимбада,

сулорпада школа манэ"сармы.

Си"ив Харв маркана вэба' ирыхына едэй школа манзара пэңгу. Нюртей школахана тохолковы" җацекы" тая' ханда". Хасавая юдимдей класс' ёльцянд' таяна тохолкода". Юдимдей, юкад вата нюртей классха"на мэна" теда' сулорпада нюртей школахана тохолкода".

Дмитрий Артюхов' вадавна, сибимдей школа 550 җацекэн' таславы. Цокханда тет ю' мян тохолкова' лоходамдо' сертавы". Сидя спортзал, тренажёрный зал, тамна җани хуркари" тохолкова' ёдо' таяңгу".

Харпхана җани' школам' сулорпи". Цобтикы вэба' ирыхына нэңгудо'.

Таңы нувона" ядембаңгу"

Тамна сыранда мэй цэва' мальцгана та' нувона" хурка цэвам' мале намдаваць. Едэй илаңгана хусувэй цамгэхэд цахакуд теневава". Тарем' иландо' нум' хурка цэвахад перена нина" цахакуд мянунвандо' хамекурца". Таңы нувона" нямна тарця юнм' намдаваць.

Тюку та' Урал' няңы цэрм' ё" няна цани похо" тасла" ядембаңгу. Россияна" Гидрометцентр' манзарана" лахана". Сие ниць ирыхына Ямалханана" тецяркаңгу, -7,3 градус' пир" цэңгу. Ты" ниць ирыхына цамгэ' мянунва ядемда. Маңгы" ирыхына округханана" небой походана" цани' ядембаванзь тасламбида. Ядембада нувода ирында ерэй яля' цэсонд' цэңгу". Ненэйвана неняңг" ирыхына саць ядембаванзь ваде"цадо', 15 градус' пирувна явода сата. Пилю" ирива" ядембаванда хавна тамна сарём' ваде"ца. Вэба' ирыхына цахат похота тасла иба цэванда. Сяхаринда та' ёльцяңгана явода 5,7 градус' цэсеты, тюку та' тикахад явода сата. Харта цод" сельбя' няна ядембаркаңгу.

Тарця нуво" нямна ты пэртя юнм' намда"махадандо' Тасу' яв' нямна цэдалёрмана" мальцгана ненэцие хонрамбиваць. Пыдо' ханзер" там' мадавандь цанэдевамдо' ваде"цаць.



Сидяңг": М.Яр' тагтавы"

Елена Петровна Яр тарем' тасламбида:

- Сидна" хонравадо' ёльце сава. Цамгэри нуво мэпана" цод" мале теневабат цахакуд цанэдын. Ма"ним", ядембаңгу, тикахана цавна ты" хаңгурма по" цэсеты. Теда' цод" ихиня цани' тарця цэңгу. Цадьбяна" тына" пардонад цокамбовна

тэмдаңгува". Тикахавад нум' ирива" харта таслаңгуда".

Яптунай Виктор, мале царкамбой ненэця', вадада тарцясь:

- Цавна тамна цацекы цэвани мальцгана яв' няю' мюсе ханцетыва". Таняна ханзохона ид' ямбахад тына" таңга хадырцеты". Хаңгурта тяне

цэсеты. Теда' мал' цэбана" харад няю' мюсе турцава", невхы иринана" вато юрыба пяйна". Тамальцгана пыдо' теневавы": яв' ямбя, сэротавы и" цамгэри хабцям' хадаби". Ихинана" ядембада там' тэри цатеңгува". Тадцо" мал' Нум' ирина" цылна мэва".

Цани лаханако ня"мы нини" индо' ядэрабцо" цобтики тарця цэвыць. Сергей Ядне тарем' ма"нисяв: «Ядембада нувона" илева' танясеты". Маня" тэхэ"на мэнацэ илма" нумгад пере. Хуркари цэбата цод" нерня' пэртава". Сяхаринда цанэдыва».

Хардаха"на иленахавацэ няна" нумда хуркари цэя, цодь тэхэ"на мэна нина" тамдо' сензувна мадамдо'.

Мел" не

Сэдорана не" пудана по" сава юндо' пили" со. Хахаяда яля' Ямальской районхад Яр-Саляхы Алёна Окоэтто' нямна паднаць. Пыда ца"и я"амна цэдалёрмысь, Китай' няю' тэвормысь.

Алена Ачембоевна танянанда цобтики мел" нида ядабтамбавысь. Пыда едэй манзаям' тидхалеванзь тасламби. Китайн' сита тики нида харто' ха"мыць. Москва-

хана форумхана мэвандо' мальцгана нидо' торомдавыдонзь. Цэдалёрманда мальцгана ненэця" ханзер" таняна илевамдо' манэ"лабтавы". Манзаяхананда тарана предприятийхана мэвысь. Ненэйвана Китайхана Мярёйхад сертавы цавэ харвобтавы". Алена Окоэтто яхананда цани' тарця манзаям' тидхалеван' харва. Теневана «азиатской» нида няд"мяць тарана машинадамда тэмдаңгу.

Алена Ачембоевна сэдорава манзаямда 2007 похона Порц-Яха' няна пядась. Тамальцгана цани не нита ня тарцей сэдыбавы". Пива", мэта паны" цэдакы", мал' цобкана сэдыбидонзь. Цэрё' няна мюсермы не" та' ямбан' сертабавы манзаидо' цани' тэврамбасетыдо'. Тикыдо' пуна' цобкана мирдапасетыдо'. Тарем' янамбовна царка ицут' ха"мыдаць. 2018 похона «Мир община» нюбета общинам' сертась. Малё Яр-Саля хардан' тэв"махаданда Алена Окоэтто сэдоралва' мядм' цадимдесь. Сидто' малё тенева", минрена манзаядо' цэди. Цамгэри сертабадидо' етри' тяхасовна пэрьядо', тикыдо' харе" нидо' мэтыдо', пяныто' сава цэбато' тара". Янамбовна хусувэй еңгам' таслахая" Алёна Ачембоевна ненэй ненэця' нита ня нерня' яда. Теда' сидто' малё няби я' панхана тенева".



Сидяңг": А.Окоэттохад ханавы"

Тарана падар"

Тюку илаңгана юнм' теневаб"нанд илар" цамгэ мянунва сибёраха цэңгу. Теда' хусувэй тарана цамгэ падаркана, тамна интернет мутрам' няд"мяць тидхалембада. Ханяцэцэна маня" хардаха"на иленахартацэ ехэрасетыва". Серо тидхалембаб", тикыд тамна тодо яха"на цэсеты", хусувэй цамгэр" тикаривна сертарна ни ца".

Тарця яңгова' е"эмня Тазовской районхана тэхэ"на мэна" нидо' няда таславыдо'. Ерводо' невхы иринато' ила' саирм' нёдана" ненэцие" ед' «Справочник тундровика» падарм' цадимдевы". Мюнянда хусувэй тарана юнм', тидхале тарана серо цобт' ма"лавы". Ненэсяри", хардан' етри' ниня тэворта ненэця" тарана серо ханзер" таславам' мал' цопой падаркад хось пиръядо':

- ханзер" цацекы" падро, ню' еся" няд"мам' сертабава,
- мерета еся' ханм' ГИБДДэн' тэврава,
- халям' ватабава' нямна цэда закон' вато",
- хурка пардон" ты лекарабтамба мэць серо"ца", тамна цани' табеко".

Ненэсянда ненэцяңганана" цули" тарана цэвысь. Писедена халям' ватабахартаб", сяцок есям' салдава цани' падвы.

Теда' цадимдевы падарто' пелярида цэвы. Тамна цани тарана юн" таняб", хой' тер" харто' мамбато' серо"ца, таня' нядаңгудо'.

Варцэм' манэ'мы''

Пэдари'' някуна илена'' нина'' нара товам' мале хамедадо'. Ненадовна нердена варцэм' манэ''пато', тасласетыдо': тадри' хаер'' сэв я' нийм' хацяюдабапянгу, варёкоця'' најибелапгуд''. Пэдара'' тер'' тев' ёльцяпгана варцэ хадамдо' ядабтамба хапуротсеты''.

Хардахана илена'' сие ниць иры' сибимдей ялям' нани' ненадомдасетыдо'. Варцэ' ялям' мэцеты''. Школаха''на, садикха''на сянакосеты'', најецэкэха'' нэрм' тер'' ила' саирм' вадецеты''.

Салехардахана «Брусничка» нубета садикан' тодо тэнз' најецкы'' ядэрца''. Сиддо' тохоламбада Екатерина Константиновна – ненэй не. Пыда нани манзара нида няць нюдя најецкы' сянакултамба нули'' иликавна цопой ялямдо' мэ''мэдо'.

Нарка''я лохо' мюйм' сомбовна падтавэдо'. Еркана ненэй мядиком' мярвы''. Хэвхананда падаркад паркавы ты'' хадырца''. Мяд' ервцэ пухуцяха, вэсакохо' тараңаха'. Цобтики падаркад сертавэхэ'. Паныди' нули'' паской''. Цобт' ма''лёвы'' најецкы'' хибяхавм' цатена''то''олха''. Лакри хадян хасава најецкэця «Тэтэль-Вэтэль» сэкоцям' хэпгадта. Вадида нули'' сомбовна хэтыбида. Пуданда царка нядо' вахалы'': «Тюку яля' Варцэ хада' нямна лаханакуртава''. Цавнанда варцэ сэр'' нэвы. Ненэцие'' попгана илэвы. Цобангуна сэрад'' по'' товы''...» Најецкэця'' хусувэй вадаханда инзелэвы''. Тэри пысапгавы'':



Сияпг: Е. Грибова' нэдаптавы

ханзер'' варцэ сэр'' нэвы, цамгэ' е''эмня ненэця'' сяпадо', цавыдота цавракохо''на цавламбидо', цэкида нельнемяха''на юдабидо'.

Тохоламбада најецкыта нямна Екатерина Константиновна тарем' лахана:

- Садикхана пудана по мэ''. Едэй тохолкова' похона мале нюртей классан' тохолкованзэ ханда''. Тэнзадо' хуркари'': луца'', хадян'', нани я' тер'' тания''. Цэрм' терхат

сидя хабей не најецкы, цопой ненэй не најецкы. Луца вадаривна лаханакурца''. Выпгы илам' ехэрадо'. Небянадо', нисянадо' иландо' ямбан' хардахана илэвы''. Најэбьяни невхы илна'' нямна етри' цамгэхэби вадецетыдм'. Ненэй сянакубцха''на, цухукохо''на сянакосетыва''. Помнандо' сяхапгарт' нисеты'' поёмбю'.

Тарем' яна'' тер'' нарэй ялена'' ядабтамби'', невхы иламдо' тензэбтемби''.

Ненэцие'' е''эмня

Ямальской район' ерв' интернет' мутрам' няд''мяць лаханавы. Нерняны иландо' нямна ненэця'' цока сава юнм' намдавы''. Цани вадита попгана ненадовна ваде''мэда: Яр-Саляхана тадри' аэропорт' харадм' мимба пянгу''.

Теда' ненэця'' тиртя цаном' цате невхы хардамдо' мэ''ца''. Районандо' ерв Андрей Кугаевский' вадавна, едэй аэропорт сертаба мэ''манда падро мале падвыдо'. Мирць мэ''манда есяридамдо' тамна нивы'' тасла''. «Тюку мэта аэропорт' харад 1974 похона манзара пэцяць. 2008 похона сулорпиваць. Малэ ёльцянда то. Нули'' невхэпэ хая», - районандо' нермбэртя лахана.

Яндо' тиргэвна едэйвана миванда хардадо' тамна цока. Мяцяда'' ненэцяпг'', тибей хадаха''на иленаха'' таславы''. Тарем' яханандо' янамбовна иламдо' савумдамби''.

Г.Окотэтто' падвы

Нюдо' вэдепиць

По' сидя вэчна мято' тер'' ца''и я''амна мюсерта'' најецкы'' сыра' ямбан' интернатхана иле''. Таминдо' школан' танияд ядэрца''. Округна'' тиргэвна тарця илелава харад цока. Небянадо', нисянадо' тапга вымна мюсерца'', нюдо' ядембада хардахана иле'', тохолку''. Тарем' цод'' ихинандо' нюто' нямна няркана'', вэдепидо'.

Приуральской районхана Сая яв' лапг' ниня Харсаим харад тания. Цока соходо' хаби'' тэнз' иле''. Илева' ненэциедо' халям' пэрцеты''. Мат'' юкад вата си''ив по' тяхана школадо' најдимсясь. Танияна хардандо' тер'' хавна мюсерта ненэця'' ню'' цани' тохолку''.

Хаяяда яля' танияна тэхэ''на мэна'' небянадо', нисянадо' мядолабтамбавыць. Ханзер'' нюто' илевам' манэ''сармы''. Ханияна хонёвамдо', сянаковамдо', цолава' лоходо', ханзер'' тохолковамдо' манэ''лабтавы''. Сававна тохолкоди ненадумдавыдо', мунд' ниня намдорти табедамбавыдо'.

Тадцо'' теда' школахана цоб'' си''ив яля' ныланапгу''. Ханияны'' таминдо' нисяханато' мякандо' нэкалцадонзэ.

М.Яр' падвы

Тарана табеко''

Цэрм' тер'' серо минрена департамент' манзарана'' Ямальской район' нямна цэдалэрмы''. Школа-интернатха''на тохолкода најецкы' лахана ня''мы''.

Салемалхана, Панаевскхана пудана по тохолкоди табедамбавы''. Цокханда юркад вата најецкы'' тохолкова' няю' мэ''манда няд''ми' нямна намдавы''. Тикыдо' тарця'':

- Ямал' нермбэртя'' најимдевы стипендия. Сырэй каникулто' нерцоно экзаменханато' «самляпг», «тет» оценкари'' цэбато', ю'' ёнар' есям' по' пеля' ямбан' ня''марпапгу''. Тикы няд''ма ВУЗхана тохолкода'' најецкы'' е''эмня таславы.

- Ямалхана колледжхана, техникумхана тохолкода'' студент'' тэнзувнандо' цэрм' тер'' цэбто', мято' тер'' невхы иландо' саирм' нэдабато', государство сиддо' ембапи, цавламби, тарця няд''мам' 23 пондо' ёльцянд' мэць пирцадо'.

- Хусувэй ирыхына вузхана то-



Сияпг: М. Яр' таптавы

холкода студент'' япга 4500 есям' иландо' няю' ня''амсеты'', по' ямбан' цокханда 54000 есяпэ ханца. Тикамдо' социальной стипендияпэ нубе''цадо'. Тикы хавна общежитиехана илевандо' няю' ирыхына тамна 2 ёнарм' мэць пирца'.

- Илебей ненэця'' тохолковамдо' «самляпг», «тет» оценкарихи''на ёльцебато', Ямалхана манзара пэвандо' мальпгана хусувэй иры-

хына иле лохондо' няю' салдамбада есьдо' округна'' есяхад пуны' ня''марпапгудо'. Тикыдо' 25 ёнаркад ни'' ват''.

Тамна цамгэхэв хонравандара'' таниябата, 8 (34922) 4-00-71, 4-01-24 телефонувна лахана пирцада''. Цэрм' тер'' серо минрена департаментхана мэна'' хусувэй цамгэм' тасла нядапгу''.

Г.Окотэтто' падвы''

Тецьдахад

Ты пэртя", харад" тер" сяхаринда нарам' саць җатесетыдо'. По' ямбан' Сянакова' ялян' хамекосеты". Хасава" җесоҗодо' высылпаңгу", не" едэй паныдамдо' сэдыбаңгу", җацеки" нисянадо', небянадо' нядабаңгу". Смян манзаямдо' мэ"марихидандо' хардан' җэдалаңгуд". Тюку по' Яр Салыхана 63 мэва' ма"люрҗа". Саць җока" пирдырта" ныхыдо' манэ"лабтаванзь товы". Җадьбята пирдырмидо' няхар" яля' ямбан' мимы".

Сянакова' ялям' Ямальской район' җэвахана мэна Андрей Кугаевский нэмбидась. Пыда тарця вади мэ"җась: «Мат" ю" няхар" по' ямбан' җарка хэбидя ялява" мэ"җава". Мале җахакуй" похот нэдана серма" җоб" нерняри' минрева". Яляна" падаркана смянхат ненадо яляҗэ тасламбива". Ты пэрти" е"эмня савари вади мэ"җадм'. Минрена серто' ненэся тоена, тикахад саць җарка таром' яхана" ха"аврамби. Пыдо' мэбета", җамгэхэртм' ниня пилюта", сейдо' мэё" ненэця". Иландо' нензел" нибта җод" җа", невхы иринато' табеку нэда". Хусувэй по' тыдо' вадаби", ты' илам' нерня' минре". Пилибт" җобанзер" җада", җопой им' мэць иледа", җацекида" тохоламбида". Мядонзэй хамэдамбадаха" җобтики җарка вадам' мэ"җадм'. Сензда" җада", илра" сава җэя".

Мядонда" яна" ханярид товыць. Е"эмняндо' хуркари сава серо җадимдембиць. «Нудини тарам», «Харбё хасава», «Колыбель Ямала», «Сава хан», «Мядо' ил» пирдырма" миҗаць. Тикы" хавна концерт, выставка сертабиць. Ямальской район' серо минрени" харад' хэвхана ярмарка таясь. Ненэця" хуркари тэнз җаво мирдапиць. Хане мирдапада" хасава" таяць. Тамна' тяхакуна паны' мадавы, пиби мирдапада" не" нуць. Хэвханандо' халэ еспада мэсь.

Ядэрта" сидя хэвхандо' нулаңгаць. Тэмдортодо' җока җэва' сер' җась. Нюдяко лавкаця" ядувна мимб", смян таранам' хось пирьць.

ХАСЕВ" ПИРДЫРМА

Пирдырта" җани' җоб" хэвхана мэць. Яркуланаха", хано санарпадаха", няхар" мэва җопой яхад санартаха", ныхыдыртаха", таротаха" җоб" ёльцяңгана сырҗаваць. Харад' тяхана, салмуй я' няна этнобитлон җась. Гаддикахад җацеки" пям' ня"амба сюрберҗаць. Ламбитана" җобтики таяна мэць. Нумда хадҗэ, мерцяҗэ еремясь, ханяҗерихина хаер" җадиберҗась.

Мале җока пирдырма җоб" ирсу" җаць. Җадьбята хусувэйм' манэ"ма' пир нись җа". Мань едэйвана җадимы этнобиатлонм' няби ламбита сюрбермам' манэ"манзь хан"җадамзь. Тикэхэ' җобтолсаркаха'.

Нюртейхана ламбита няби яркула тара. Җопой", нябихина ямб няда яңгацьрхам' ня"амба тара. Няра мальцята", сибёцяко пибита", нянзико пя ламбита". Хэвхандо'

җока с ы р т а м ' ма"лаць. Җопой серм' минренаха" сырап", сяхаринда илека. Хусувэдо' няхаданда пере, хибяхавадо' янопата мал" пуня' ха"морҗа". Этнобиатлонм' нюртейҗэ Панаевск-1 команда пирдаледаць. Пуданда ТСО «Я' ерв» тер" тоць. Новой Портхад җэда ТСО «Ханибэй» тер" няхаромдэй". Ламбитахава җобтики Панаевск-1 команда мере"җась. МОП «Ярсалинское» нябимдей ян' ха"мыд". ТСО «Я' ерв» няхаромдэян' еремя".

Җани" тэнз" пирдырмаха"на мэбете"э" җани' җока". Вячеслав Худиня хар" мэва җопой яхад җаха санавы" (9 м 57 см). Виктор Вануйто яркулабта ва"лэй җэвы. Сергей Лаптандер җока ханм' санавы. Лев Езынги Новый Порт' ед' сянаковы. Пыда ныхыдырмахана пир"мэда. Сёяха' тер Яков Яптик таро"махана ва"мы. Максим Салиндер җэдалёбта тоенавы, лабкамда сидя минута 36 секунда сюртембавэда. Тыта мере"ма' няю' миллион

Коллаж: С.Пантюк



мэбе"жа"



Сидягч: А.Яптик' тэдтавы"

есям' мато"ңась. Тамна сидя нэдалёдам' ненадумдаць: Павел Худим', Хасавако Яптикм. Тюку по' сямьхат ва"лэй" ти": МОП «Ярсалинское», ТСО КМНС «Харп», ТСО «Ханибэй». Пирдырта" снегоход няби еси ня"амвы". Е"эмняндо' ңадя сава ңуда' тер хамэдавы".

ВЭВА НУМ' СЯНАКОДА ЯҢГУ



мерета" машин" салмаравдавэй сехэрэвна хэсь я"мадонзь. Ңадьбято' мядоманзь товы" трэколрихи"на хэсь пир"ңадонзь. Ңанидо' ныланава' яля' пэвсюма' няна нэдалэйдаць. Няби пелядо' ниць хань". Хуняна Саляңгардан' нэдалаван' харвана ёльце ңокаць. Мань ңани' тикы" нини" понд' еремядамзь. Тарця серка"на телефон ңарка таром' няна" ха"аврамби. Март' хэванда ненэцям' ходм', нянда лаханадм'. Трэколм' мэта' вабцан' тэри маймбидм': «Нюмд хэт, сит падаңгудм'. Пуна тиртя ңано" нулаңгалава' харад' хэван' тоин».

Часни тома' сер' хаёвоңгдани паромбари' тая' хаядм'. Нини" нерня' тэвавэв", хибя-харт яңговы. Хаця" нудм', тикахавахад ханярид ңамгэридо' минена" хибяри" ңадимья". Сюдбяко трэкол хэвхана" нудгада. Ма"нидам: «Тикыни нялма то"олха" ни"ню" ңа». Машина' ерв сидна" таңгамла: «Тюко-хона хибяхартара" ни хаёд", мал" нялтада", тамна сидя ханва" тая. Ңамгэрида ңани' яңга ханан' пэндьына». Самляңг юд' мян' пир" ненэця" тихива тияд". Ңобкад пере ирсу" ңамдына", ханяхарт нензахалць та ниңа". Парамдэйхаваха"на ханяцей" савась, нина" мэйра"маңэ тараваць.

Панаевск' нэсонд' сидя час' пирт миңава". Сехэрым' салмарамбади манэ"ңава", тика-ривна ина" савума". Пунахав Салямалхав тэвава' хун то"олха нивысь ңа". Нюдяко" машин" мюдадарев' халаяць, таркаңгаць. Аксаркарихид тид" минзь пэйнаць. Сидндет час' ямбан' ху пэдэйнаць, собкэйнаць.

Ти, тарем' Яр-Саляхана Сянакова' ялям' мэ"ңаваць. Ңани похона яңор" ма"лэдава" нина" манэтава". Ңопой", тюку иле"мяна" то"олха ңоб" ни ңэңгу", несэй ңэңгу".



Трэкол' сидер' сивна сыртахани ими ядэрңась. Сехэрэда тохобэй ңэбта ңод", маендорць няби пон' мимб"на" ңод", мякана" ханзеркав" тэваңгуна". Ңанисэй хардан' нэдалёрма ёльце саваңэ тасламбив. Ядэр-манд сер' ңамгэхэв едэй ңамгэм' манэтан', хибя-хав ехэрана ненэцям' лаханако нятан, несэй" инд ядэрабцо" тута". Тыяромба ңамдэ" мяхабина", ңэ"на" пу"махавам', маси"на" есьмяхавм' тенехэрта вунина" тенеңгу".

Яр-Саляхад хэван' харвана" тарця серт' еремяць. Сянакова' ялям' мэтахана" сехэрэва" тоховэсь. Нюдяко"



Хайму" нятапи"



Талкахай школа-интернатхана тоходкота" хайму" нятапи". Таньше нятакома хома шед. Урокатуң пут җашки" школантуң музейхана кататат - окопные свечи" шедтапешту". Хадям няна хайнолта" тальша кататато" таклаш мэчитуң мякнатуң мэштутуң. Мятуң дядымтампюмантуң камна, кэлтуң мюң тавташтуң. Тай"ня чикинтуң дямохат хыной паныдэтуң касташту", шайтатуң пидешту".

Тадям кататат шедтапеш җашкиуде" школа-интернат музейхана манслана Нина Топоева тоходымпита. Веша банка", картон" патал, парафин" - тальшахат кататат шедташту". Җашкиуде" манде шанат дюл свечи" хайму" няң җайтаптаҗаш. Четаң җупмэмахана чет" дюкат вата кататат" шедтаҗа". Чикиң камна тоходкота" җашкиуде" музейханантоң дяднас пускохот маскировочный" шентми" паҗкадпи". Поҗкан дяднас пуску" шалашту", тай"ня

чикитоң хайму" таклаш мээват шентмат паҗкадыштууң. Тальша шентми", җай җыди җамыдю" җашкиуде" технологии кабинетхана җупчики шедтапешту". Непоң нятакота движеним" «Шьём Победу» найҗаш. Хайтулаш җашки" тоходампюта лушинетуң Раиля Миндиярова шичитоң няташту. Җашки" камна, немянатуң - нешанатуң нятакошку", школахана манслана". Хайму" панэт хайтулашту", хаймыхина мэни" җамлат җомташту". Таньше нятакош манде куптана чепьҗаш". Недьчезей няна шат" тамтампеш мэта" балаклав" шедташтуш, дюпа помя", мякна мэта дяднас" - тальша җамыку" хайму" панэт хайташтуш".

Чикиң камна лекду" мякна мэна", дяталей хадям" панэт шедташту". Пундыдю" дельшат җайта помя"- шорты, помяң таҗка", ниньшику дяднасыхит хятмы" мякна мэта"



паны". Чики хятмайтуң җамыдэтоң канылчи" неньшадмана шедаштомаң

мэты, шис'татоң таткана" видяку" хайташту". Хаймыхи" җамы таламам җашки" тоходампюта лушинетоң нельшут намташтута. Четаң җашкиуде" паныдю" хятпемантуң камна, ненатумтма повязки", ныптакош мэта" пудтат" шедтапи". Паныдю" хайтудамантуң камна җамлу" пилпеш мэта кабинетханантоң матулдакяш няню" касташту". Тай"ня пускуңэ матолыш кастамытуң нянютоң җалка пэйң копан хапхадя хайму" җамлат җайтапташтууң.

Тальша" җамыку" хайнолта"хана" җупчики тадаҗа".

Талкахай школа-интернатхана нятакоман ха'читоң «Добро.ру» нимита платформан" пытатуң патҗаш". Тоходкота" җашки" маньшту", пытоң кальтуң вимнянтуң нятакоман хашр, хайму" панэт хайтулаҗа". Таньше мэма хома шед, җяхядя тадым нятапётан хайнолта" нена" мед нэхэдты". Шедтамайтуң, хятмайтуң җамыдэтоң Пюд дяханана җайта штабан #МыВместе миштууң, таньдет тасламы «Мы Едины», «Зов Добрых Сердец» няң канаштууң.

Таньят Пюд дяң чел" нятакош җомтамы" җамыдэ" хаймыхи" җайтапташтууң. Җашкиуде" маньшту", хаймыхина мэна" нена" җопшед хома шоньшахана нятапётдына", чикехена хома җайты. Четаң җука тэмс неша" хадям няна мэҗа". Мед нэхэдтаҗа, мед мяктуң туты". Хадям няна хайнолта" дянтүң чел" нятакош җайтаптамы" җамыку" няампатоң майпешту".

Лариса Айваседо патмы





Ѓацекры' иле"мя

Ийко нэсы' тер' нэцекры" няхатата сямьян-хат нюдя. Лимбья' ирыхана няхар" поданда ханда. Школахана сидя не нэцекры няхаюда паднањаха'. Нэркаюм' нюмда Сяло нябиом Нукко.

Школахана паднана" нэцекры" сырэй каникулдо', едэй по' пуд, мякато' ныланаванзэ танэйд". Ийкоця нита поңгана нув' ялэ" теб-та сянэкететы. Хасава нэцекры" нида, тэнянэ мякна илена", ханакохона сита нюдэрететы", нямдо яркыба тохоламбидо'. Ю" яля' ямбан' паднана" нэцекры" каникуладо' миңа". Ноб" хубтахана нэсы' тер" ненэця" мер' юркыд". Нюдо' хардан' ха"авраванзэ ятна". Нэцекры" каникулато' хумна хэвам' сянхана нидо' хамеда". Ийко сидя нэрка нябакохо', Сяло няби Нукко, нобтарем' хэванзэ мэ"њаха'. Мале пэвсюмя' няна небыдо' нюхуюта паны вандако' мю' нэкалңа, сава пибиди' тырабта. Хубтахана нэро"махадандо' не нэцекехэ' паныди' серњаха'.

Хов, Ийко ханзо' няд сава мальцямда нэкалңа, пибиди' серыба харта пя. Небыда хонрада:

- Пыдар сава паныд, ебцотаков, ха"манзэ серыбид? Пивня ядэрць, тари нув' ялэ" мэта мальцяр саванё, тикар мэсма", пихина теда' нули" ибакоко.

Ийкоця небында тарем' вахалгый":

- Мань нобтарем' нябакохоюни' няна школан' хангадм'. Теняна нябакони тэвравы книгами мале падкоцяни мю' сюрњава. Тиками нянани ханаңув.

Тарць вади мэсо"махаданда сава мальцямда серхая", пин' тарпы". Падкоцямда нуданда харана ня"амбиди, тиканда мюня книга - букварь нэ. Пихина мале ненэця" ханодо' подермыдо', хэваридо' хаи". Мякна мэвы нэцекры" малнэ пин' тарпыд". Школан' хэванзэ нисянато' хано" ни' нэамтыд". Ийко сидя нябакохоюда, нобтарем', нисянди' хан' ни' нэамдъяха'. Хан' нид ниванди' мандэванди' е"эмня нисяди' хура"њахаюда. Тадхав' нердевандадо', Савлэ' нися, хабтм' лабиде. Тики няндо' пуд нани

нэдалэда" манзхалгяд". Пумнандо' тари хад сыраридо' миңа. Ийкоця хано" мэ"мана нусь хаи. Нябакохоюда сянзэ ярума.

Нэамгэ' ёльцьнэгане небында саңо' вэңгохона нэдалэди" сехэры' мюмня ядалгый". Танияна хунанда хэвы ненэцеи" сехэры' мюмня варемда мэць пиняри' яда. Яднаханда хуркан' никада, нули" нэхо. Падкомда таминда нудананда ня"амбиди.

Нэвэ манзаиди ёльце"мяхаданда, Ийко небы иди няркума, мядо мал' манэ"яда. Хасава нюда ханяхартана яңгу. Нэсы' тер' не" Ийко" пюрць тэрсавэй сюралгяд", ханяхартад нэамгэрт мунда яңгу.

Ийкоця нули' никада, лаكري' лахацяко' ни' нэамды". Сидта няна нэамгэрт секадэ яңгу. Нэпоиңэ мэвамда хамеда, сюдбя яңэ нэадартада. Книгасавэй падкоцямда пилипон' тарць" ямбахана севолпида, книганда ёховам' тоса.

Нэсы' тер", Ийкоцямдо' пюрць малнэ сюралгяд". Маллэ ирикэдо' тыда тари ян' ханаванзэ ятнавы, ханда подеры. Ийко' небы нянда то, ебцотакондо' ёховам' ваде"ња. Тикавахана ирикэдо' минханда нэдалэди" сехэры' мюня тикарихина нэцекрым' пюрманзэ нявата хая.

Ийкоця нэдалэда сенам' намда, нэта ни' нулгый", нэрка яңэ хэңгадтада.

Ирикэда нянда тэвы", нюндя хаял" тэңа, нюняда, тад тикад, хананда ни' нэабтада. Мяканди нэдалэйха'. Нэока"я нэсы' тер" неранди' няд сиди' ядабта. Ийко' небы нюкцямда хан' нид ха"аврада, нюцярњада, тарем' ма:

- Ебцотаков, падна хэсэ нюдэкоцян', сидя по' хэ"мяхад нэрамдан, тикавахана хар"на" сит школан' нивам мит". Тедари' букварь-

хананд пыхыдар толаңго тохоламбад, падна тоход", луца' вадан' маня" сит тохолаңгува". Тад тикад сит школан' ня"мангун". Тедари-хив нэлякоцява" ниван нэ", ирикэр, хакэр, ханзэр" пыдар ситипой илеңгуху'. Маня" малнэ сит мание нивам" иле". Нябакохоюд нара' няна школахад тованди' ёльцьнэгане, нэани едэй книжкадамд татњаха', сит падна тохоламбаңгуху'.

Чай' ед лохово"махад, хакэндо' ня нэорманзэ нэамдыд", ирикэдо' мят' тю. Тики' пуд Ийкоця ирикэхананда ты" хадырма' ян' нэобкана хаяха'. Ийко сокамда, сава пибиди' сера. Ирикэнда хан' вэняна нэамдэ хуркари ваде"ња, тарць" поңгана нябакохоюта няд намдвыда луца' сё" ханасеты. Ирикэнда ня ялянди' хумна хэвам' ниди' хамеда". Нумда талкада, мяканди' тоњаха'. Ийко небывнанда нули" пюлвы, мяканди' минханда сюрамба хая.

Раиса Яптунэ' падвы



Сидяңг: М.Яр' тадтавы

Падта"ма: «Детство, белым оленем мчащееся над тундрой" толаңгобцьхад ханавы



«Илебц» - маймбабцова»

Ты” саполана ирийхана «Илебц» нубета театр хэбидя яляханандо’ Ҷани’ ненэцие ма”лась. Тодо” тэнз” ила саирм’ харвабтана хибяри” «Предание тундры» спектакльм’ манэ”Ҷаць.

Маня” нина” сянаковамдо’ ёльце пон минредо’. Тикава” Прокопий Явтысойхад миҶа, пыда няданда манзаямдо’ нерня’ тидхалембидо’. Паднана нява” нердена нерм’ пэртяҶэ тарась. Театр’ Ҷадимдева - Ҷопой сер”, тикым нерня’ лэтрасть тара нив”. Тюку яля’ Прокопий Андреевич’ Ҷадимдевы тенад иле.

Ҷока по” тяхана паднана нямдо’ нядабавы” тянё ниць Ҷа”, вадамдо’, иландо’ саирм’, хой’ илм’ теневанаць. Тарця ва”лэй ненэця” театрхана сянакодаҶэ тоць. Прокопий Явтысой’ пьесава «Пензер» спектакльм’ нюртей мэва’ сертаць. Ненэця” Ҷэрм’ яхана советской власть’ товам’ манэ”Ҷаць. Хурка несэй иланд’ хойхана мюсерта” ха”амвйд”, ханзер” иландо’ несэймы, мал’ манэ”мыдо’. Нердена режиссёрҶэ Любовь Лебедева таравысь. Тарем’, янамбовна нерняри’ миҶаць. Тикахад ненэцие” вадако”мана хамадавы «Тундровые были» пьеса Ҷадимьясь. «Илебц» театр’ тер’ вадава” лэтрамба ёльце Ҷарка серм’ минре. Сиддо’ няд”мяць Ҷацеки” вадамдо’ намдорҶа”. «Илебц» мале сидя ю” сиднтет по” ямбан’ манзара. Сянакода не”, хасава” ненэй артист” тотрев’ тара”, хыноҶа”, вадидо’ мэ”Ҷа”. Пыдо’ хамадавыдо’ сянмэвна маниенгуд, тарем’ Ҷод’



СидяҶа”: Ю. Талеева’ Ҷадабавы”

Ҷани яха”на иленахарт” «Илебц» театрм’ тенева”.

ненэця” поҶгнандо’ сававна илесеты”, тое-нана по” мальҶгана нидо’ нядабасеты”.

Нина” сертавадо’ Ҷока, сянаковамдо’ Ҷатенадо’ Ҷани’ Ҷока. ТаҶок по” ямбан’ маня” артистана” хуркари ё” сюртець, ханярина мэць – округманана” ҶадалёрҶаць, Ҷарка март’ тэворҶаць. Финляндияхана, Голландияхана, Норвегияхана мэць, хуркари” фестивалька” тэворҶаць. Ярославль маркана «Охочие комедианты» фольклорм’ минрена” театр’ фестивалькана мэць, сидя ненадумда”мам’ тэвраць.

Пудана” похо”на няндо’ едэй хибяри” сянакованзъ тэворҶа”. Манзаядо’ пили” савумдана.

Юлия Талеева’ падвы

несэйраха” Ҷасеты”. Сяхаринда ил’ ватом’ манэ”лабтамби”, тикыдо’ ненэй илаҶгид миҶа”. Таняна сянакода” хибяри” хусувэй мэва’ несэймдана”. НертейҶэ сянаковы” ню”, нюто’ ню” теда’ таняна сянаку”.

Серото’ поҶгана сём’ ханасеты”, вадаком’ вадецеты”, нюдо’ вадабасеты”. Хой’ тер’

Ненэцие” ма”лаҶголава

Хусувэй по’ Ҷамгэри манзаи” тэнз тидхалембада” Ҷобт’ ма”лурҶа”. Тюку по’ нябимдей си”ив яляхана районна” ерв, тохолкова’, лекар” серкана тарана”, Ҷэрм’ ненэцие” община” тер” общественной советхана манзараць. Красноярск маркад Ҷэрм’ няна илена” ненэцие” серо минрена Антон Нарчуганов турҶась. Пыда хой’ тер” е”эмня сертабада ман-

заита нямна лаханась, Ҷамгэ’ то”олха нядма” Ҷадимдевам’ ваде”Ҷась.

Вэваковна илена” мяд’ тер”, Ҷацекидо’ вадабада”, Ҷока вадам’ мэ”Ҷаць. Нянандо’ комиссия манзара, ханзер” илевамдо’ по’ ямбан’ маниедо’. Яля’ няю’ тидхалембидо’. Небой’ пон’ таслаб”, тюку по’ вэва мяд’ тер” тянёмы”. Лекар” серка-

на Ҷобтики Ҷарка манзаям’ сертаби”. Теда’ илаҶгы нехэ”, хасаваха” таславы программадо’ тая, илебей Ҷадахандо’ сенз Ҷэвамдо’ манэ”сарта”, хабцяҶодо’ савумдамбаҶу”.

Ҷани’ ваде”мэдо’ - евако” Ҷацеки” ил’. Теда’ евако” мякана илена” Ҷока. Районна” ерв Евгений Вершинин ма”нисьяв, районханана” мяд’ терха” таславы” программам’ Ҷадимде

тара. Тикамдо’ няд”мяць мяд’ тер” тохоламбаҶгудо’, табедамбаҶгудо’.

Ма”лэвахана Ҷоканю вадабада” Ҷэрм’ мяд’ тер” мядо”Ҷаць. Пыдо’ нюто’ вадабава’ нямна лаханаць, ханзер” сава ила’ ня’ табедамбидо’, тидхалембидо’, тикыдо’ ваде”Ҷаць.

Елена Ямкина’ падвы

Газета «Няръяна Нгэрм»	Главный редактор Яр Марина Тэтакучевна	ГЕНЕРАЛЬНЫЙ ДИРЕКТОР АНО «Ямал-Медиа» Зулинова Мария Андреевна	№ 15 Подписано в печать 11.04.2024 г. Вышла в свет 13.04.2024 г. По графику: 16.00, фактически: 16.00.	ПОДПИСНЫЕ ИНДЕКСЫ: на год – ПА701, на полугодие – ПР562.
Учредитель – департамент внутренней политики ЯНАО (629008, ЯНАО, г.Салехард, пр-кт Молодёжи, д.9, каб.708).			Тираж 3616 экз. Заказ № 0574 (тираж 1581 экз.) отпечатан в АНО «Ямал-Медиа» Юридический адрес: 629003, Ямало-Ненецкий автономный округ, г. Салехард, мкр. Богдана Кнунянца, д.1, каб. 106 Фактический адрес: 629007, Ямало-Ненецкий автономный округ, г. Салехард, ул. Чубынина, 39А	Цена годовой подписки 166 руб. 84 коп.
Издатель – департамент внутренней политики ЯНАО (629008, ЯНАО, г. Салехард, пр-кт Молодёжи, д.9, каб.708)			Заказ № 0574/1 (тираж 2035 экз.) отпечатан в АНО «Ямал-Медиа» 629309, ЯНАО, г.Новый Уренгой, ул. Северное кольцо, стр. 2/4).	В розницу не распространяется.
Газета зарегистрирована – Управлением Федеральной службы по надзору в сфере связи, информационных технологий и массовых коммуникаций по Тюменской области, ХМАО-Югре и ЯНАО от 19 апреля 2012 года. Регистрационный ПИ № ТУ72 – 00559			Газета выходит по субботам.	Адрес редакции: 629003, ЯНАО, г.Салехард, мкр. Богдана Кнунянца, д1, каб. 106 тел. (349 22) 4-53-32
				E-mail: nn@yamal-media.ru